

集部

欽定四庫全書等部

詳校官國子監司業臣的麟實 中書戶劉源溥覆勘

校對官學正日前树宗 總校官編修臣王熊緒 腾绿监生 文彩焰

欽定四庫全書 10.2 野古集 提要 11.15 崑山人父營洪武中官給事中以言事遣及 臣等謹案野古集三卷明龔詡撰詡字大章 未巡撫周忧薦為松江學官不就又薦為太 五開衛部遂隸軍籍後調守金川門熊王篡 謝變姓名通歸賣樂投徒以自給正統已 野古集 集部六 别集類五 DFJ

多庆四月百書 擊壞集問其傷于鄙但淺率者繼貞稍汰之 崇積乙亥其八世從孫挺所刻前有李繼貞 序稱删其十之二三盖詢詩格調在長慶集 **彫章琢句誠不能與文士争工律以綱常名** 也要其性情深擊直抒胸臆律以選聲配色 始卒年八十八明史附載牛景先傳是集乃 害于義但恐員當日城門一動耳成化已五 倉學官亦不就當語都御史吳訥曰訥任無 提要

非別有託諷而顧據此斷為惠帝出奔還京 舊君還京之語且落葉一詩本無明指安 成化十三年楊應能事應久已論定不應有 君還京先生作落葉吟見意按級之作譜在 文四年稱傳言乘與逐去于正統七年稱舊 像特等篇又有年譜稱詞族姪綾所編于建 書及王執禮張大復等所作家傳墓誌諡議 教之旨則不合于風人者勘矣末附上周忱 野古集 知

銀定四庫全書 之作办未見其然此譜于康熙乙已挺得本之作亦未見其然此譜于康熙乙已挺得本 乾隆四十六年十月茶校上 查館家傳等並列觀是一條其真為級作與 基部家傳等並列觀是一條其真為級作與 總無官紀的陸楊能沿孫士毅 官 陸 鄪

情非余所敢知也於是無取二字以命其齊庶為晨夕 馬馬我野者誠得我實不足深過而目我古者虚譽過 貌不狗乎俗與夫一言一動舉不詣人耳悦人目而適 人意也或者以野罵之或者以古目之余聞而竊自揣 乎勢利之途談論不越乎耕牧之事衣冠不隨乎時禮 余生草野間所交與者黄童白叟而已是故蹤蹟罕涉 世之馬陳俗粗鄙者類曰野而目方直廉介者類曰古 野古集序 章自序 言志余之命意措辭之拙固懸絕於古人而野人拳拳 題之曰野古集區區之心非敢以自擬也傳有之曰詩 之意或可少見矣天順癸未八月中秋日逸老襲韵大 唱也他日不恥貽騷壇作家之笑録以成編因齊名而 接目警心之助以求去其野而馴致其古已耳然余平 生好吟所成就僅百餘篇其鄙俚迂誕直所謂吳飲巴

欽定四庫全書

人於洪武十一年戊午中文學科選授岳州 紀事之譜尚爾缺然被功辱化海長荷 教其容不文已子乃精其行事集其言 之孝以高年壽終雖誌傅班班 出州考諱管字叔言蘇 述譜如左

欽定四庫全書 洪武十六年癸亥 洪武十七年甲子 對詳悉上謂其有敢言之風遂選兵科給事中乃家 女生先生時年三十三歲 儒學正母王氏宋参知政事王編裔孫諱慶恂之孫! 於京果良於獻替尋轉都給事兵科 改調岳守見上問以民風土俗懾不敢言而叔言奏 先生時年二歲家於岳州會陞州為府州官偕入京

洪武二十年丁夘 性通敏過目成誦讀書即求悟解一日師出外律弟 東歸道喪其二所存惟先生一人時國禁方嚴成者 鄉里與叔言會於塗相號泣以別獨攜幼子女三人 先生時年三歲春三月叔言以言事獲罪謫戌五開 不得與親屬惟叔言至五開不久而卒遂基其所 衛胥靡以行母王氏與子女先逮至湖廣會赦得還 先生時年六歲與母氏居二保從塾師沈以中遊學

欽定四庫全書 洪武二十四年辛未 異如此 子輒為迷藏戲而先生獨凝然莊坐畧不寓目其詞 通春秋經義每讀書至夜分必呱呱泣母覺發曰汝 何泣先生曰人皆有天倫之樂而我獨無人享寧居 先生時年十歲遷居邑之春和里從西齊林先生遊 而我且暮有仇離之苦是以泣耳於是母亦為之泣 是時五開以叔言物故勾補伍者無虚日先祖奉政

へんりいん しょう 洪武三十一年戊寅 洪武二十八年乙亥 亦亡冬十月請關請補近衛以衛王宫上嘉其義撥 先生時年一十七歲北方有事兵亂戍卒皆亡先生 事乃疏其方畧挟書從事主者異而禮之 陽充五開衛卒屬築城先生當運磚見主者慣於所 先生時年一十四歲會勾補伍者益急乃去補戌遠 公與其從兄瑀閔其寡弱陰賄用事得緩其行 野古集

金克匹库全書 建文四年壬午 建文三年辛已 先生時年二十一歲守金川門六月十三日乙五成 先生時年二十歲從征淮陰後敗績亡歸守衛王宫 歷城侯盛庸部下調用一云此建文 再趟之不中亡之郊外見官中火起傅言乗與弘去 祖靖難兵至金川門谷王穗以門降先生操戈相向 即投戈大慟歸鄉里變姓名為王氏寵佚江陰海虞 事

永樂五年丁亥 永樂四年丙戌 更長 泉沈兄孟舟曰君比參星我比商相思縮地恨無方 先生時年二十五歲授徒於言城周敬修氏有寄聽 月論心安得共盃觴幾迴雲樹窮吟目千里悠悠思 十年湖海同漂泊兩地情懷一感傷會面未知何歲 野与生

金定四庫全書 永樂六年戊子 其二曰鳥母含飢守故巢鳥兒折翅墮林皋相呼相 見青歸柳上枝慈母鸞毛紛似雪小兒才寸亂如然 先生時年二十七歲寓居常熟馬字昌氏母王氏獨 子獨何心 淌山林獨戀枯枝思不禁愁絕紀干與感處不知臣 先生時年二十六歲題枯枝凍雀圖有曰歲寒風雪 居崑山有客中思親詩其一曰才看黄落梧間葉又

永樂十年壬辰 應空相憶夜冷霜清月正髙 先生手自裁遺老沈姓以中其字先生童子時師也 鯨去不回墨池吟事久塵埃我來再拜庭前樹為憶 故人情重眼猶青其過東易遺老故居有曰仏客騎 年湖海共飄零無異紛紛水上洋今日客中於邂逅 先生時年三十一歲夜歸古婁逢陸漁隱話舊日十 至是淹忽已久身後寂寞悽然感悼不覺涕零為詩

||欽定四庫全書 永樂十二年甲午 以誌之 **營青紫樂與英材作範模朝醉言城江上酒暮餐崑** 先生時年三十三歲避居琴水上時母氏年六十五 學園中旅送君不得隨君去垂淚空憐返哺鳥後文恪 詩曰嗜讀先生舊典謨十年窓下自罗晤恥隨兒輩 **歲獨居崑山適吳文恪公訥自海虞來教崑庠送以** 以事止不果行

永樂十五年丁酉 書何處竟蘇鴻二十年來者不通槽概有誰憐老驥 先生時年三十六歲與友人袁宗魯別幾二十載十 而寄懷有曰竄伏江鄉二十年艱難生計總無便童 月望日一旦邂逅琴川寓舎追論畴昔不勝慨嘆既 濃欲問相逢定何日只今萍梗正西東 江湖無不羨元龍皋魚風木君心苦仁傑雲山我與 汪非怯當年事為有慈親在故園其寄友人有曰音

一欽定四庫全書 永樂十七年已亥 永樂十八年庚午 心行云我有胸中一塊鐵贈君煅煉成實刀不斬狐 先生時年三十九歲客居滑水之上寫其隱事有鐵 吳棹重讀父書親夜燈 增定省久違思老母心胸日塞念良朋何時得泛歸 去留無定似遊僧病隨春草年年長愁逐秋潮夜夜 先生時年三十八歲其述懷有曰自嘆微軀一羽輕

永樂二十年壬寅 情誰許知靖節東離醉黃菊四皓商山採紫芝熟云 苦如縣首陽之被甘若餡弟兄風節有如此十古此 庖縱教理没不復用終使神光夜燭斗牛髙 世代有先後彼此未必殊襟期君不見太朴日散趨 先生時年四十一歲詠採薇以自况有曰周家之栗 心不為動力不勞功成畢竟藏諸韜肯将割肉供君 狸及鼷鼠要斬南山白額長橋蛟視蛟如蚓虎如猫 5つち集 ۲

銀定四庫全書 永樂二十二年甲辰 洪熙元年乙己 應解頤 先生時年四十三歲客居琴川娶周氏素慎為妾 **浇滴流風餘韻無復遗世人但識癡頑老若見此圖** 臣禁寬恤軍政秋八月同季仲怡荒往玉峰夜宿新 塘阻風雨客有吟唐人縱然一夜風吹去只在蘆花 先生時年四十四歲仁宗即位認諭羣臣解建文被罪

宣德二年丁未 つっしてい しいよう 淺水邊之句步其韻有曰一帆同載孝廉船夜泊新 尚萍梗每愁不肖貽親憂遙憐朝暮依門處不見兒 詩曰憶昔離家三十秋轉眼少年成白頭一身湖海 先生時年四十六歲館琴川陳南野氏有客中思親 亦和之曰楊柳磯頭繁容船打篷風雨夜驚眠西風 塘聴雨眠為動故園桑梓念不知清淚落腮邊仲怡 不管情懷惡又送海聲到枕邊 野 古集

宣德四年己酉 相勸 兒非不思歸自是無歸便太行回首見狐雲千古懷 歸應淚流淚流有時乾思念無時休無時休常抱怨 日月何匆忽急如箭北堂日夜切歸心社宇無勞苦 英共悲戀舉頭問天天不言何時得遂平生願奈此 先生時年四十九歲母王孺人年八十一歲有哀親 年邁曰一生子職苦蹉跎深思慈親八十過若論兒

多玩四月全書

歌定四庫全書 四 宣徳六年辛亥 哺圖求題接筆曰主人庭樹緑森森返哺時來慰母 心顏我北堂違菽水負思深痛不如禽冬十月有詔 **武畝夙知先生賢至是徧物色之得之於琴水上親** 捕不至者出首著伍免罪是歲都御史周忱撫吳 恩清理戒籍其老弱不堪遠配者悉附近衛差操久 心思罔極再加八十未為多友人季仲怡以慈鳥返 先生時年五十歲春三月都御史周忱均田額躬行 野古集

宣德七年壬子 造其盧問以當世事宜手條二十餘事上之忱以語 第推行吳民至今便之 久無供具隨行請食食以草菜而退忱以所陳事次 先生時年五十一歲自靖難以來軍政督急促補五 歸婁江詩昔年曾住婁江上看到園林幾樹春今日 理軍伍乃遂以先生為老弱無嗣近附鎮海戎籍有 開缺伍縣受文牒至四百七十至是有司奉部例清

次是四年全十二 宣徳八年癸丑 青其 先生時年五十二歲後四月初七日母王孺人卒先 故園花木總凋零歸來獨有窓前竹不减猗猗舊日 歸來風景異梅花猶識舊時人 其廿載江湖逐梗萍 生哀毀喻禮幾至滅性其病後有詩曰一病絕甦似 問幾更已覺壯心隨日減久掛華髮滿頭生痛憐念 酒醒却思遺體忽心驚幸生不必論諸事得寐何須 野古集

宣徳九年甲寅 先生時年五十三歳友人康友竹為寫畫像其自題 母恩無極淚雨何時可得睛 總相似生意不殊心事同為施丹青造化筆寫我山 有曰十年不見康友竹一日客裏驚相逢江湖落魄 林枯槁容鐡冠布衲草為履抱琴瘦僕行相從寒風 團清氣蟠心胸功名不羨褒鄂公莞爾一笑浮雲空 两鬢吹蓬鬆雪中古本霜中鴻風流敢託歸來翁

スペラシ 宣德十年乙卯 即泉關灑淚含樓向誰道老妻沽酒慰睽離弱息呼 好每恨歸來苦不早十年世事付春夢數畝田園沒 先生時年五十四歲其歸田園有曰客中常憶鄉關 箇尋詩節 秋草今朝始得返吾廬玄髮驚看牛成縞痛憐慈母 東一聚一散真萍蓬他時何處可得復相遇為我添 今年五十已過二六十相將在眼中君今還西我歸 1.1. 野古集

舒定四库全書 正統元年丙辰 清風隔古婁歸而與族姪彦中話舊有曰廿年逃難 知新締好維君不忘舊從遊相思後夜知何處明月 至是東歸別諸友有曰一別故園三十秋此生漂寄 先生時年五十五歲自丁未以來猶客寓海虞陳氏 娶淑新周氏有買妾詞兄不載 **翁竟提抱胸中感慨幾多情一夜燈前盡傾倒十月** 似萍浮奔馳自念多身累憔悴誰憐久客愁舉世但

正統二年丁巳 也其相依彦文肆昆弟以居有曰早歲飄逢晚得歸 歌其中有田三十畝力耕自給而於聲利紛華泊如 **卉木蔬果題所居曰野古齊日與伯父珩季父琚咏** 先生時年五十六歲春築室於邑之北郊虞浦上藝 徹許多愁一備思艱危十載前此身常與死相連誰 海東阪往事重思淚欲流最是夜深何處笛為予吹 知痛定重思痛毛骨於今尚凛然其

欽定四庫全書 日也 其萬歲橋界於常熟無錫江陰三縣之交時壬午秋 念叨同族遠相依難兄難弟心無二全孝全忠志不 日彼時余寓其家有老嫗甚有憐恤我意待之過厚 今宵當時老嫗知安在淚灑西風百里遙先生自注 言之痛心有口號曰三十年前萬歲橋村莊投宿記 遲計聊托耕耘代蕨藢秋八月二十四日偶憶前事 違既遇仲淹終見邱不慙伯王老知非一卷已副棲

正統三年戊午 正統四年己未 先生時年五十七歲海虞郭今聞先生賢常不遠百 愚識淺德薄才凉加以寡弱一身愁苦亂其方寸不 薦之為淞江太倉學官不就以書辭之其畧曰韵性 而去有謝郭公令詩 里來訪之秋七月遺以梁內親過野古齋談論竟日 先生時年五十八歲巡撫周文襄公忱欽其才節兩

欽定四庫全書 忠不孝誠天地一罪人耳今也年幾六十旦夕之人 爱厚之意决不敢須更離此以貽名教之羞古語曰 肖之為人武以質之必將得朗之實矣夫库序乃名 謂可以居民上便欲置詞於後生模範之地則豈其 君子愛人以他不強人以所不能倘或不棄則向之 教之地以剖處之則名教何在是以寧死敢佛執事 所願欲者哉若今致仕都憲海虞思養吳公稔知不 死之外無他顏也乃者執事謬以千慮一得之見

正統七年壬戌 任無害於義恐負任日城門一働耳先生日以子之才何不任先生日謝 禁復落葉指前積漸多雖知無返期未能忘舊柯誰 先生時年六十一歲舊君還京有落葉吟寓意曰落 淫雨浹旬作苦楚吟以遺當道民有發栗之惠 **曹謂** 怨毒 訥以恐負城門一慟之語告之忱乃止秋八月 所言或一一行之則執事之賜不既厚矣乎忱訪訥 知舊柯心已前新葉意新故情不同能不我遐棄作

欽定四庫全書 正統十年乙丑 正統八年癸亥 先生時年六十二歲水潦彌日著癸亥民情詩 書報新葉且莫跨逢時西風一朝起此情當自知 樂葵已四月三日得年三十有三其哀淑新詩曰東 先生時年六十四歲。妾周氏淑新於宣德十年來歸 賴其奉事之力者十霜是歲十月八日卒距其生永 風拂拂從東來名園草木俱花開花開豈無數日好 严

正統十一年丙寅 側其詞曰噫惟汝家於鳥目之西分其氏為周方九 先生時年六十五歳春三月十七基淑新於所居之 耿不成眠數盡熊樓五更皷 **即黃土絲雲一斷者無蹤愈遠思之愈悽楚一宵耿** 寒婦十載衙門共母苦昨朝猶見奉褒翁今日誰知 迴人生處世亦如此對之能不令心哀可憐吾家歲 爭柰晚來風雨催半隨流水半塵土舊枝一別無時 野 ち 集

動定匹库全書 枕而弗寒雖顛沛而心弗為之亂分所云云者無非 疾疾而幾乎一周孰謂汝之感而廢其寢食分竟伏 天命之不與分志雖銳而莫酬遭余時之不料分抱 守吾松椒嗟日居而月諸分瞬息頃而十越春秋柰 饑我食而寒我表以余後之寂寥分高幼息而誓以 齡而義養於陸分又十四而歸我於妻時余齒居百 而芥帶兮安命分而曾無怨尤痛吾抑而癢吾搔兮 之半而又四分紛白雪其盈頭汝能弗以枯楊之美

盡而為九泉之歸分會一笑而相求長歌之悲過於 鹿城之故原分為吾母之樂邱汝其從吾室而後先 為棄我而近分忍不能為數載之留宣吾不德而致 善後之謀感吾生之既邁兮方仗汝以遂其優游胡 之憂茍素行無愧而可樂兮夫何間乎明幽俟予命 不為之涕流矧余感汝義誠切兮痛曷時而可休瞻 汝於斯兮折而壽之不脩彼里問之知與不知兮誰 兮侍吾母而仙 遊惟汝事之既畢 兮我亦免夫身後

欽定四庫全書 正統十四年己巳 正統十二年丁夘 其上曰採殺千古説夷齊風味還同我甕虀珍重故 先生時年六十六歲友人史君實畫採戲圖遺之題 **慟哭兮我恨悠悠嗚呼淑新分其知此否嗚呼淑新** 先生時年六十八歲億朱輔有曰家山香香同千里 分其知此否歌已遂刻於石以志其曠云 人知此意遠緘詩畫慰窮棲義孫周實生

景泰元年庚午 先生時年六十九歲其自題曰余每咏昔所歌金陵 行李蕭蕭各一身憶昔相逢淳化鎮異鄉人念異鄉 好雖老不覺墮淚惟沈誠學張文翔可以語此意也 遇於淳化鎮於今幾四十載矣追憶其事不覺泣然 人其自註曰輔安慶人常容吳與余善前壬午秋相 哀哉其詞曰佳人二八好清揚客寄金陵歲月長雖 追東吳舊親議慇懃一一問家鄉其石頭城下水際

欽定四庫全書 景泰二年辛未 景泰三年壬申 頻回其 青山突兀四時風月雲烟總是吾家舊物但知安分 先生時年七十歲自題其居曰居臨流水縈紆門對 迴曾為郎君把一杯今日偶從船裏過含情不覺首 君不見朝來簷日暖脚融笑看梅花坐捫虱 体体不作書空咄咄且喜盈樽有酒何羨滿床堆笏

景泰四年癸酉 地 先生時年七十一歲有趙縉者以御史按吳虐民問 以詩贈之日汝今事我三十年昔為少壯今皤然東 絕無防盜意必當為人擊死棄中流惟蓋終無可埋 上歌風犬行以刺之其略曰白日都無癒主心黑夜 先生時年七十二歲老妄周氏素慎事先生久除夕 西南北幾遷變勞苦飢寒深可憐深可憐念之能不 野古集

一 銀定四庫全書 景泰五年甲戌 七十三年又在今宵五更换 緝麻賣錢供爾魚炭飯魚燙飯不媤梁家孟光案適 言堪賞歎勸我無勞思後患但令歡笑樂餘年管取 心煩悁自知命分已前定肯學吹笳輕怨天昨發 略曰一經水旱便流離風景蕭係思條樓到處喚春 先生時年七十三歲是歲大潦吳中大饑有民風詩 然義孫周寶拍手起舞為我歌青天阿翁大笑不覺

たらういとかまっ 有詩以紀之曰承恩降自九重天困苦崑民幸保全 音凍餓妻更有社公同寂寞年來不復享豚蹄又鍋 空有鳥連村報晚寂無難顏垣棄井荒無宅苦調哀 敬賢士往往與其簿造先生之盧而問以救荒之策 所為空言無補之音不同者即此也時崑山令鄭達 鄉邦之重所為詩有杜荀鶴時世行風致與流俗輩 無粒果電無新只有松椒可濟貧半賣半燒俱伐盡 可憐流毒到亡人葉文莊公盛稱其碩德與學巍然 野古集

金牙四月月十十 景泰六年乙亥 重祭及萬菜景色鮮慚處草廬無供奉惟憑一縷博 先生時年七十四歲春過幹山吊鐵崖先生墓有詩 曰松江西來澱湖溪九峰歷歷皆相似中有一拳髙 重三史吳會依歸足俊才竊比關西號夫子方當元 入雲鐵崖光生即於此先生學正天才高經濟文章 一念遠追前哲美同心尤籍簿公賢惠加寒素聲名!

次已日華全書 一 提起怕意哀情轉不禁壯志有懷徒感慨老身多病 尚感百年心再拜荒原一杯土與彦中子好夜話有 憐期蔣詞柳娘字該守官紅秋娘未負楊州杜我來 書李黼可念良工心獨苦無言混俗疑陶潛有仲即 拘士輩笑狂為明哲保身元不知君不見怪機狀頭 未免為文姬惟有先生不受羁放情歌酒隨游嬉拍 社將屋時羣雄在處蟠蛟螭英材無不被籠絡節義 曰偶與諸即說素心燈殘始覺到更深欲將舊事重 野古集

景泰七年丙子 天順元年丁丑 先生時年七十五歲夏四月十六義孫周寶病腫死 哭之曰義孫十歲頗聰明日夜惨惨望有成豈意永 但呻吟宗風振作歸而輩勉力休令負寸陰 由來也薄輕石上三生如果有公孫願得叙餘情夏 辭從學路那知頓絕讀書聲我生禀得殊孤獨爾命 秋大旱作两子民情觀風者採馬

天順二年戊寅 時策高位讓羣材安貧復守賤分外奚求哉甕頭白 先生時年七十七歲縣令鄭達卒於官先生以詩挽 先生時年七十六歲自題小虞浦草養有曰我家玉 罪王屑雍雍慈怒萬陽和無能野老蒙知久失所窮 之曰不知有己能忘勢破屋時勞肯見過亹亹笑談 酒熟籬下黄花開為招陷淵明共歌歸去來 山下正壓虞溪隈門可羅鳥雀徑惟周辭苔娛無濟 子与其

欽定四庫全書 天順四年庚辰 .先生時年七十九歲四月十三辈義孫周實於崑城 厚貧賤天不為薄何必美人間萬户侯何必慕遠東 都待得公公數盡來與爾復叙舊歡樂富貴壽不為 祖墓之旁乃為詩以銘之曰生既隨公公死亦隨公 民感惠多千里湘潭歸棚遠痛為吾道泪滂沱 千歲鶴噫煉鐵本鑄劍鑄就却成錯兩眼望爾爾不 公生死不相離情深江海同爾今寧爾居為我守空 X

天順五年辛已 深器異之竟以病死僅十歲其生為正統丁卯三月 慧絕人教以書史經義過日輔成誦且能領會意旨 先生時年八十歲精奠不衰如壯夫之飲食所適無 實方二歲而進安死先生育之如子追能舞象即聽 遠近必步或勸稍就舟楫曰天生我足何用哉每夜 之八日也 日幾回清泪落義孫者為先生義養進安所生

欽定匹庫全書 讀書至二鼓燈下看細字不少瞬而五經子史能全 成之先生之門而取則馬冬十月十有一日為八十 忠信者友以教後進子弟後進子弟之嗜學力行者 卷背誦如水注尤善記國初典故至於文移案贖旨 能腹笥之不遺且周知百物之名然孜孜好善言必 無異議而得壽之由或異可無言子或謂先生幼歷 倡羣賢為詩其上誠學沈魯叙其略曰夫仁者壽固 誕辰畫史張文著為祝壽圖鎮海指揮使彭城武政

20. 0 nat 1. 1. 其為宣尼之所題者盖亦有自矣况年與德進學有 我伍躬執沒矛以為童汪之後身雖弱而功則可紀 經世而風教名節又拳拳不忘於言則與輕浮謔浪 日新其為詩也寫少陵之史筆其為文也繼賈傅之 **数如此之健是好見其粗而未見其末耶先生早** 艱虞勵苦志善醫藥而不飲酒節食慎疾所以致遐 又安知小年大年之相遠奚啻若是耶 之嘲咏風月而不惜廉偶得喪者其為朝菌與莊椿 野古集

金分四月全書 天顺七年癸未 天順六年壬申 先生時年八十二歲清明日偕八九伴用御史李樂 曾揮血泪玉指前而今省看當年事不覺長號向老 卷劉龍州易道峰陳信卿諸無嗣之墓其謝同遊有 都不信至今猶是女兒身其 天其阿婆逢鬢白如銀八十年來未嫁人說與旁人 先生時年八十一歲其書懷有曰少壯方當弱冠年 年!

警策於終身盖亦古之遺老能引後進以遵道者世 **豈多見其人哉李唐司空員外生曠中歲時集客當** 虚口後生小子獲聞先生之聲教莫不悚然佩服以 艱年逾八十而好古之心彌篤忠貞孝義之談日不! 雪白又隨親友事前賢夏五月作毒藏於應城祖坐 日吾直須更處此耶既卒承家乏嗣而外孫為之世 之昭同邑沈魯記之其畧曰先生少籍我伍身歷多 日少惟多難可悲憐漂寄如洋六十年不道歸來頭

欽定四庫全書 天顺八年甲申 跋其尾 陳錦葉盛武政張翔縣弘陳翊周滙相與咏歌成卷 **士錢昌談懋周珙顧鑄朱泰安夏泉唐孟馬成孫瓊** 子文仲為歸者會當有能記諸贖簡於是同邑縉紳 守今先生亦然先生於司空氏顯晦不同而志操則 外孫周雍與紋繪圖於前最後進士鄭文康陳德容 後之人有觀九原而追慕高風者趙孟叔孫之武

鈍養先生早罹世故遯跡於窮途涸轍者五十餘年 先生憮然嘆日子未知余哉昔余先人以直道不試 之未屬而猶汲汲皇皇日不服給奚其老之能逸乎 居其室終憂民之不能一日遂其生僅留餘息于續 而後歸老桑祥築室虞浦之濱題曰逸老俾余記之 先生時年八十三歲自題其居為逸老者沈魯記 淪沒羈旅吾欲執鞭從之而不可得垂髫隸戎伍補 余以先生年逾八秩身歷多艱始憂己之不能一 子古良 í. 朝

金 左 座全書 甚恒恐意荒而無益於事惟綴葺文字整頓名物切 涕泣而不能為之致命犬馬識其故主念之悲不能 黑衣之缺以衛王宫方事之段而遽馬倒戈束手徒 畏天命悲人窮者則吾未敢自處也是以人跡吾行 亦知所自勉庶幾伐檀之詩無處乎不力而食所謂 而告之不厭其賣而俾有為者得以盡其力不肖者 於日用者眾以為遠急於有生者人莫之行吾則舉 已如昨日嗚呼傷哉痛也其如吾情何日來衰老逾 年] 谐·

宴然安處於脫節末路有餘裕者庶幾真趣之可適 逸又何如耶余作而言曰先生之逸其亦大異乎人 則聲利不入於耳榮辱不驚於心以終吾餘日其為 太僕之温故軻書二子卒老於行猶不免於當世吾 吾何為而不能自逸哉昔者蔡中郎之留心漢典趙 得遂吾性死不失乎正終身服役奔走之不自恤而 以為紛然煩擾而吾質吾中則所存者未易形言生 之逸魯連之萬元亮之節完其歸初不異矣而蔡趙

欽定匹庫全書 成化元年乙酉 豈能望其廬而闖其户哉未予小子稳聞先生之言 增五尺髙南風吹作如山濤更魚海潮挾湖水衝盡 相語為苦雨謠以貼之曰今日雷明日雷雷聲未絕 先生時年八十四歲夏大水郡別駕邢姓者以民瘼 而得其志之所在遂述其縣記諸逸老養之壁 岸塍無可抵嘉禾萬項爛根苗百姓寸心如火燒晝 雨即隨三月初旬作雨始六月終旬猶未止田中水

にこうられたす 明 成化三年丁亥 又一首虚名浮利總無求安分隨宜樂四休更覺近 涉都忘舊日勞惟有不平常記得時因感觸便長號 先生時年八十六歳其有感曰羣峰叠叠水滔滔跋 全策我民感激情何窮我民感激情何窮 夜路車敢解苦不憂擂破牛皮皷天公倘有哀憐心 此我今祖述民間風願達仁明太守公有時首布萬 陽春早賜驅羣陰不然我民必當死天公惻隱何安 野古集 ŧ

我好四月台書 成化四年戊子 全歸返洪造諸生為我作毒藏生怕為鳥啄我腦藏 年 難逸老鶴髮雞皮就枯槁我将奉我血肉軀瞋目 來疎懒甚日高三丈未梳頭 既完非草草不儉不豐都道好一朝符到即奉行拂 先生時年八十七歳自題於壽蔵圖卷後曰八十七 抱惨惨一寸心惟善仁親以為實眼底浮雲付等閒 袖浩然歸去早不須銘不須表無德無功安足道獨

ひ こう… 成化五年己丑 報一一煩公為致聲其寄所親有曰近百衰齡瞬息 **鬼錄吾知久有名但須符到即時行只慙知己無能** 遺駭於今日復何憾因為詩以别親知其寄親友曰 曰吾將逝矣早跋涉艱危勞苦萬狀瀕九死幸獲全 出入未嘗乗與馬勞物力一旦小有不安顧左右謂 屑屑無煩較多少 先生時年八十八歳年雖髙而聰明不廢矍鑠健步 1.1 野古集

感先生諱部字大章別號鈍養所著有野古集又有 因草事宜大抵關風教道民情好惡惻怛忠厚有少 首章而逝有白氣起屋極上衝霄漢人以為忠孝所 十年正月二十八日癸未正陽整衣端坐口誦大學 眼紛紛白雪被雙有一生事業風中燭虛度春秋九 屈腰只欲將扒地仰面何曽怕見天點點黑花生兩 惠多辭世有曰氣短痰深夜不眠語言伸縮總無便 過已知枯葉待解柯只熟未報陽春德暖日和風受

多定匹库全書

安節先生以諡議刻之墓道 悲年垂九十志不移嗚呼先生後進師門人私諡曰 錐有利器將安施詩書之樂慰我饑文章節義慰我 叔父縉紳二弟經理襄事墓先生於鹿城先瑩之昭 陵憂恤之心馬是歳閏二月十七日壬申紱與彦中 沈魯銘其墓曰早罹世故多危疑中更困伏幾不支

欽定四庫全書 凉殿動林柯零露妻以白日子感哀暮撫景重悽惻况 居憂病中復送遠行客惟子方妙齡精進有餘力窮經 期致用雲海奮鵬異安知時命奇失意主司格分教赴 野古集卷上 五言古詩 送徐氏兄子牧之司訓青田 明 龔詡 撰

郵定匹庫全書 茅塞 青田吳越千里隔雖云官里冷禮數抗侯伯州縣非不 澤競晨夕清風與髙節當立萬仅壁尤宜戒垂堂少慰 華奔走此訶責知子素明達榮辱判胸臆一朝别我去 悠悠軒中人皎皎天上月良宵忽邂逅敬侍雨無褻素 殺然無難色相見知何時雲樹香南北願連姬孔教麗 親憶括着古名郡文憲富資益幸寄北飛鴻故我久 題實月軒

次足四車全書 一 頭半生耳蝗醫並梗折一愁官賦急二恐衣食缺哀哉 古人交有道貴義不貴金悠悠十載餘猶見管愈心洪 浮雲終日行雨點不曽絕自從秋分來罕得見日月禾 水方湯湯羣生困凶飲溝壑同胞人君其幸相念 不須迎去亦不須別淡交有餘情莫與世人說 心期共明稚質顧同潔但求保終始何暇計圓缺來亦 田家詞 分金圖為廷悦賦 野古集

曾不都迁疎星霜二十周始終心不渝睽離幾寒暑雲 書通大義恥逐章句儒修身事三省惠人期八厨雅性 時擊節歌唐虞顧我朽屬材不異樂與樗謬據西齋裀 彭澤去千載誰念田園無卓哉南野翁乃是斯人徒讀 所之殺酒隨監與兒孫奉賓友歡聲温庭除每從微醉 任真率襟懷恒豁如東皋樹嘉木西畴藝名疏適意任 田野情言之淚流血 南野先生哀輓

KIND THE KIND 落葉復落葉時前漸積多雖知無反期未能忘舊柯誰 **刻臨穴當兹辰忍真一束弱淚為知己流老眼誰云枯** 桑榆如何志未遂頓隔幽明途載瞻滑賜原痛切心如 管鮑殊方圖去茅塞時得親髙居德業望規箴優游共 報新葉且莫跨逢時西風一朝起此情當自知 知舊柯心已前新葉意故情雖不同能不我退棄作書 樹勞嗟吁復憐身後窮棺食預為儲如此終戀情寧與 落樂吟 野古集

要斬南山白額長橋蛟視蛟如蚓虎如猫心不為功力 我有胸中一塊鐵贈君鍛鍊成實刀不殺狐狸及鼷鼠 聞鳴王聲已醖調羹味衆芳當避路讓他出頭地 風雪方嚴凝乾坤發清氣馨香速彌佳顏色淡愈貴 不勞功成畢竟藏諸韜肯將割肉供君庖縱教埋沒不 七言古詩 梅花 鐵心行寄沈該學 巷上 べこう 祖 たまう 暫託終南待高價不愛丞相填不遭官長罵不騎馬旁 先生雅志樂田野結屋東皋事耕稼不比當年捷徑人 復用終使神光夜燭牛斗髙 心林下漁樵今古話一出一處聽自然一死一生隨造 暇粗衣媽食飽暖休容膝茅茨只三架窓前書卷聖賢 人門不低頭出胯下白梅翠竹繞屋裁歲晚外觀樂清 化從今寄語郭景純莫為顏含占易卦 菜養先生歌先生姓周字敬修 SI (野古集 ŋ

金定四庫全書 千年膾炙無人續鶴骨久仙吟夢寒畫圖尚爾清人目 霜林雪逗常獨遊竹杖芒鞋巾一幅球影暗香詩一 有口不食非義東却來山水最奇處騰種梅花構於屋 三月天士女嬉游多畫船望中一點青青然為識先生 君不見湧金門外西湖邊花柳富貴人争傳年年二月 先生雅操如水玉不愛繁華愛幽獨有足不踏公家門 觀梅圖 **巻**』 聨

暮見白雲簷下宿霜後班班柿葉紅雨過青青書帶緑 先生好追藏幽谷考樂自樂忘榮辱朝看黃鶴天際飛 山居讀書圖

螢窓雪案聖賢書不惜勤的終歲讀每當心領神會處 如見孔顔真面目信知名教有樂地何羨輕喪與粱肉 飢鼠行

使我頻驚不成夢狸奴徒爾跨街蟬但知飽食終夜眼

Clarity int fithing

野古集

Ð,

燈火作媳初入更飢鼠出穴啾啾鳴醫書翻盆復倒甕

一多定四库全書 **痴見計批真可笑布被蒙頭學猫** 遁 逐今自古南山下大道盡日無人縱一朝忽與獵夫遇 饞口大開如血紅搖頭掉尾似得意流血滂滂無慘客 額白額猛且雄居然據我林之中白日出林取人食 跡潜形在何處 然搖尾乞人憐積惡過深寧汝恕却憐三四假威於 網強弓統林樹白額計窮無所逃四足如豚縛將 續白額行 卷』 上: 飲定四庫全書 為寫新圖託規諷慘慘忠孝遠相期此意須知愛君重 越山青青越水白古來勝景多遺跡離人話别不勝情 共挤一醉春風前 君今快看祖生鞭明年應轉東南轅擬沽濁酒候江上 若耶秦望歌未已與盡忽泛山陰舟盍替士友遠相送 往往圖之贈行色陸君來此成清遊行行直上稽山頭 瘦馬圖 稽山送别圖為陸則明賦 P 野古集 갓

骨節稜稜水玉清羽毛翩翩霜雪明不隨神仙去紫府 殘易敗草隨意與半餘半飽度朝夕哀哉爾馬誠可憐 欲 無復長驅轉材力憶昔爾當雄壯時一食或盡栗一石 伯樂無人誰汝惜生時識者既寂寥死骨豈復千金直 有馬生來異骨骼老病多年伏槽概皮內消盡精神衰 韉既被不看鞭千里脩途如咫尺安知今日乃如此 比獨點豈能得有時自悼一長鳴奴隸無知謂求食 老鶴

好爵未足櫻我情俯仰雲鷗無愧怍雲耶鷗耶不可忘 白雲閒似白鷗閒鷗在清溪雲在山道人家在溪山間 日與雲鷗相往還雲無期兮鷗不約自信溪山有真樂 似欲和我吟詩聲君不見弋媒狗食良可耻衛國東軒 竹間花外每獨步風前月底時一鳴有時向我展翼舞 何足際願言與爾共卒歲不必雲霄即逐情 與我共結林壑盟寧甘餟渴守我分飲啄肯與羣鷄争 雲鷗歌

次之四事全書 一

野古集

等間為爾開壺觞醉來雲散鷗亦去一榻清風夢正長 整不断太古心霜雪寧凋歲寒色别來又見秋風凉相 鹽底須脂粉粧馬生沈生我浸籍頗知好古循規則椎 國風與其竹易縣云介石我思千載人時能踐其迹武 公之德不可忘周公之解何孔章乃知在意不在畫無 寫竹石見遺因賦此寄之 二生於余有從游之舊別久不能為情近陳羽伯以 題畫竹石寄馬字昌沈養明并叙

10/0.17 to 1. 4.1 六十相將在眼中君今還西我歸東一聚一散真萍蓬 雪中古木霜中鴻風流敢託歸來翁一團清氣蟠心胸 鐵冠布衲草為履抱琴瘦僕行相從寒風兩鬢吹蓬鬆 生意不殊心事同為施丹青造化筆寫我山林枯槁容 功名不羡褒鄂公莞爾一笑浮雲空今年五十已過二 十年不見康友竹一日客裏驚相逢江湖落魄總相似 思之情江水長為書古道用相勉願視竹石同羨墻 自題畫像并送康友竹歸慶安 野古集

一多定四库全書 他時何處可得復相遇為我添箇尋詩節 洗盡少年筝笛耳先生所質清如此凡塵不受纖毫潭 每逢佳境得幽趣縣發長歌奏清徵南窺禹穴松吳宫 先生帶帶真奇士瑩若水壺貯秋水茫茫宇宙一間身 笑談如在春風裏金蘭投分即弟兄交親何必生同里 却視營營世路人一生何殊負塗豕我從南園一見之 南北東西任行止平生知己只桐君出入與俱忘汝爾 送琴士吳先生南歸

PLANTING LIKE 南野老人真好奇舉酒屬客要題詩座中英彦六七輩 文彩照耀光陸離文雄畫妙兩絕作悦目洗心良可樂 細雨濛濛烟漠漠坐今咫尺見千里信爾胸中有邱壑 郎官歸自絲綸閣醉向髙堂寫林薄修篁挺挺石蒼蒼 吁嗟老我駕鈍姿浪跡江湖久淪落邇來謬據西齊裀 會向江頭候雙鯉 君今别我角東去湖海後期那可擬倘因雲樹寄相思 題朱舎人畫南軒放鶴軒壁墨竹 野古集

一致定匹庫全書 麋鹿未忘山野性倦倦雖荷故人情食栗每羞才不稱 老妻甘與共清貧勸我不須干趙孟十年作客南野堂 翠竹蒼松相掩映甕有新醅架有書果疏自足供盤钉 好着梅花侍吟咏 西 我家瀟洒同三徑車馬不聞塵土净白雲流水互濛回 知己裁寒欣有託清風明月幸平分時得吟觀伴孤鶴 風昨夜動林柯浩然忽起歸來與殷勤為我報東君 懷東莊

盤中首宿長闌干松葉釀成香滿甕詩書萬卷聖賢心 明當拂袖賦歸來風月烟霞幸分共 得失總成蕉鹿夢我生雖久在樊龍每向江湖羡麟縱 不到城中知幾年稚松尚憶移根種憐果世路苦奔馳 古木千章含雨重碩人自愛考樂樂風光不减元公洞 大山我我氣凌眾小山拱揖如實從流泉一派入溪遙 生自足供我用世間名利等體鎖宣音垂頭受羈輕 謝孔昭畫山居圖為存該賦 野古集

飲定四庫全書 蒼壁倚空如削鐵一帶寒泉噴飛雪只疑天上漏銀河 萬古千秋流不竭若有人兮清且狂平生泉石存膏盲 科頭其路歌不已塵處一洗無毫芒老我飄蕭同野鶴 税駕每懷山水樂願得相從杖優問濯纓濯足隨清濁 觀泉圖

何人善寫生下筆極精妙一枝早發擅魁名三鳥安棲

梅花三公圖為龔紱朝美賦

公號點染雖人為活動等天造應知寓託有深意不

てこうこれ したり 紙食方幅六七尺厚軟輕温膩而白霜天雪夜最相宜 此畫無乃開先露機兆門預調和時水霜歲寒操顧言 争柰義孫要與阿翁相伴即阿翁夜夜苦丁寧莫學惡 不論素獨出南海豈羨文錦來西川受用將圖此生過 不使寒侵獨眠客老夫得此良多年舊物實愛同青檀 有志事竟成吾輩宗盟幸輝耀 作纖奇取時好之子嗜文學致澤期遠到一朝無心得 詠紙被 野古集

多定匹庫全書 惡勢横行無所思行人萬一為渠醫失療死亡知必至 疋不知多少長豈知東家新婦性拙慢惟解貪眠飽餐 織機娘織機娘豆花蘸落風露凉連宵織得幾疋布 睡騎兒輕踏破 風狗風狗名為鄉舌吐涎流尾垂曳狂奔迅走不知歸 飯生憎爾曹四剛不肯体看渠晚歲衣裳問誰辨 風狗行 織機娘詩

埋地 歲晚江鄉雪盈尺小齊不禁寒氣逼先生獨即不成眠 こうう 鄉村城市一經過誰不丁寧戒迴避白日都忘聽主心 兩脚渾如水中石今宵何幸得温温伸去縮來隨意得 黑夜全無防盗意必當為人擊死棄中流惟盖終無可 紡織無能有潜德緘口何曾說是非謀身不解求衣食 閥被底別藏春深籍湯婆有餘力此婆生來名阿錫 詠湯婆長白寄談勿養勉之共發一笑 野古集

欽定四庫全書 寂寂無聲伴到明不作騎與取憐惜君不見此婆有妹 舊相識只因寒暑不同時棄捨塵中倚空壁 名青奴骨格玲瓏如姊默不容暑氣侵肌膚亦與先生 野古集卷上

欽定四庫全書等時卷中

群校官國子监司業。納蘇實 中書劉源溥覆勘

校對官學正臣翁树栗 總校官編修臣王燕緒 磨録監生 支彩焰

とこうション・トー 野古集 雨無句大岸小塍俱決潰 少文布政 術備沈電産蛙雖古聞 **耘際忽然驟水張江湖** 明 龔詡 撰

官倉儲積豈無栗有司各出牢封記千年汲照今無人 南差周伴問疾者攫去白金如土塊府公唯責舊負通 誰與皇家壮元氣縣宰懼難住風顛飽食閉門經月睡 今實見之非漫記東隣西舎咫尺間無舟不得相親慰 但挾娼優日酣醉狗私掘去抵湖堰横流自此無能制 上有青天下無地悲悽暗嗚無一言兩眼相看只垂淚 况逢缺食方阻饑女哭兒啼割心肺哀哉此情當告誰 朝謀定人不知半夜擔金速逃避郡侯坐視付不知

多定匹库全書

赴∮

たいりゅんか 多少無辜枉遭累一夫一婦皆王民鼓弄如何等兒戲 溷 便宜太保幸見臨香火滿城人鼎沸羣姦媚事靡不為 乃知不學無術人監陋終同斗質器妻城老卒張文翔 法律底須存八議萬一有失忠義心宵旰深憂豈微 昨來輕發激變語聞者至今猶戰悸功能人為得專殺 勸諭賑給浪得名偽錢糠批成何濟雖擒妖人許道師 不問蒼生問魚膾按察徒懲小小疵曲狗鄉情舎姦弊 浴都将布衣獨今行雖僅免輕徭薪米從兹價增倍 野古集

金月四月全書 齊聽雨眠轉報不能成一寐起來賦得民情詩惠政思 有全生計老夫殘喘不足惜横死深哀後生輩昨夜虚 無日可回天地意鳴呼我民今年性命已難保明年豈 君録相寄 只今所在皆凶荒未必不繇斯道致朝廷若不懲此曹 不忍恤邪肆欺蔽片言出口禍即隨從此無人觸好吏 曲真情非敢招人過也此輩無活人手段但有 右拙作奉寄彦文布政賢任相公庶幾得審鄉

Ka. 17 船中有酒有知己不醉忍使湖山羞與開我欲妻城還 殿山水深清到底俯視魚蝦遊鏡裏老夫偶此棹孤舟 不是為夷載西子往還不覺數日留三沙九峰都遍遊 歸自雲間道經殿山湖與竹莊同賦 翔也然老拙餓死有日恐不久於世他日歸省 日因人便書此以告别 殺人手段是詩萬勿示人母使老拙復作張文 之餘幸致一樽酹我於溝壑中耳是年六月望 野古集

金好四屆全書 嘈嘈市喧不到耳衮衮臺省那經心悠然獨坐草亭下 農夫日夜形哀鳴前歲滔天遭大水去年疫癘人多死 北山有雲不為雨南山有雷空作聲田時龜裂稻苗死 期去後誰知音萬山流水元無語 回首馬鞍金碧堆未知何年復到此重與湖山酬 曲為鼓瑶芳琴瑶芳琴傅太古不凡近來新樂府子 丙子夏秋苦早呈鄭明府 山亭鼓琴圖為顧宗術賦 盃

たいとりいけんかう 為元叔季網維絕天狗下私生人血草來隨處起戈子 中潛禿他二三輩怒嘘毒氣光炎炎時逢毅哉葉君子 南能今歲可圖生旱魃為灾又如此嗟哉我民何罪您! 不是世間文墨士智謀勇烈出萬夫竟取凶狂付殊死 人命輕如治中雪站蘇城東淞水南有魏佛廬名福嚴 雅兹茶毒連三年老夫作詩問造物天乎天乎何以然 從歌罷鷓鴣天民方帖席得安眠至今聞者比昨日 題葉義士討賊鷓鴣天詞後 野古集

29

金牙巴尼台書 善保忠孝弘家門人見黄河治浩入東海誰信發源萬 毛髮如竹猶森然春去秋來百年久精與不隨骸骨朽 重重叠叠除雲痴疾風驟雨常淋渦横流滴號畫夜響 里來崑崙五世孫與中 玩寇髙駢劉巨容地下相逢忸怩否縣來五世得賢孫 庚辰苦雨謠時五月至六月陰雨無旬所在禾苗 寫問六日僅得片時睛露七日又雨為作此謠 浸沒殆盡憂民感時殊無好况不能措一解

こうり 惜妻好飽糠秕 暫時露得非依我噤口不作詩老夫今日作詩矣天公 月 今日雷明日雷雷聲未絕雨即隨五月初旬作雨始六 出田中水爛苗或有迴生理但得官租不負民不餓敢 自合生數喜早賜賜光照四方丁寧農夫作急為我車 不息大陸小岸日欲傾倒無能支為問天公如何不肯 中旬猶未止田中水增五尺高南風吹作如山濤更 續賦苦雨謡 子子集

欽定匹庫全書 時肯布萬全策我民感激情何窮 巴唱吳飲争不多此扇骨格能抱節配以楮生如玉雪 王郎手持白叠扇過我草堂求作歌作歌都但豈足道 姓寸心如火燒晝夜踏車敢辭苦不憂擂破牛皮皷天 堪海潮挾湖水衝盡岸塍無可抵嘉禾萬項爛根苗百 公倘有哀憐心太陽早賜驅羣陰不然我民必當死天 公順隐何安此我今祖述民間風願達仁明太守公濟 王君澤以白叠扇求詩

聽我歌昔人解此唯東坡一朝飽與惠州飯富貴一場 寒泉古木山之隅塵土不到幽人廬清風一榻酒微醒 中道絕我歌此扇止於斯莫羨團圓似秋月諸君諸君 夏則招凉解炎熟君不見齊紙出入君懷袖晚景可憐 卷舒自我付等閒用舍縣人不須說冬則守寒歸篋笥 坦腹自讀義皇書門逕蕭张寡輪鞅易安隱約柴桑居 春夢婆 題山居讀書圖

常不足我有餘冥鴻萬舉誰能拘 懷次且又不見百年光景過隊駒邯鄲一夢俱成虚彼 皆愚成敗非一人後世徒能記遺迹城頭鳥啼霜氣寒 登雲衛車馬甲第争約如無勞肉食已自愧進退况復 闔間城西越溪北扁舟夜泊官亭側人家燈火亂明星 平生心迹許誰共展圖令我思歸與君不見諸公衮衮 二鼓市諠猶未息衰翁轉帳不成眠歷想山川感今昔 姑蘇夜泊

欽定四庫全書

達頭垢面破衣裳樂與夫君共甘苦夫君卧病忽經年 陸家有子賤且貧一生家住琴川濱唯能擊鼓與吹笛 更無餘策堪資身其妻本是田家女目不知書心却古 瓶無粒栗囊無錢晨昏何以給館粥一飽十饑誠可憐 江心水澄月色白沾衣幾許牛山情都付漁翁一聲笛 追賦陸烈婦歌 烈婦沈氏琴川人夫死自盡繇其家世貧賤無 人歯録鄉人張有定為余言之故為賦此

祭畢隨将死相繼誰知村落婦人心有此堂堂真節義 僅千石如何反得義民名華表旌門炫金壁時入栗得 春秋大筆何人書君不見豪兒剥民恣封殖輸穀公門 老夫聞此十餘年每嘆丈夫多不如芳名未免久湮沒 不道抵家日將暮夫命已逐殘雲飛躃地號天幾絕氣 嘿嘿更無人可訴一朝乞得斗升歸濟急庶以全燒眉 眼中骨肉猶行路况彼鄉鄰肯相顧傍徨悽楚只天知

欽定四庫全書

寫出孙山早春意不知前代有華光自許今人無第二 若人情氣端胸次素與梅花共心事尚托松滋與管城 為周德元題陳如隱畫梅

鼎中味 千花萬蘇信心手妙處不緣香色泥君不見逋仙宅畔 枝開雪凛風寒見高致誰知清曉角一聲已醖商家 題印上人所藏趙子昂楊庶夫二公墨蹟卷

野古集

待補山中名勝缺只疑二老真真中撫掌相看笑粗批 膾炙幸聞仙伯鐵二公自是文場豪墨妙詞鋒總奇絕 月潭何處得此卷實愛深愈古環玦老夫為爾賦長歌 見山有院人不知一記惟存趙松雪孟張屬和久寂寥 林泉賴此增光輝不負清風與明月吁嗟世變惟兵戈 古檜長松挺高節豈無超然出塵土託跡幽深守孤潔 一時盛事隨消歇萬菜滿眼鎖寒烟牛羊就牧狐狸穴 **秃奴詩戲寄沈誠學**

金定四庫全書

U. 1. ... 1. L. 粧 西施白 翌生寫梅不寫迹不用臙脂唯用墨乃知鐵石歲寒心 東村二八張小姑髩髮油油如漆鳥朝朝不惜五更起 對鏡千机并萬机争似吾家阿奴秃落落數竿刪後竹 何幸少年猶有齒夜寒聊取代湯婆殊勝當年玉川子 生不費膏沐資日出酣紅睡方熟君家有婢亦如此 點何須事顏色君不見牝牡闕黃付等間無鹽應笑 題阿翌寫墨梅 野古集

多炭匹库全書 宣慕平泉與金谷花開時節天正寒雪花亂灑迷林麼 先生下築江之暴屋盧歲久渾無茅薄田數畝書一束 先生卜築吳城曲騰種梅花繞吟屋自期歲晚供詩料 石鼎有茶爐有火神交不覺兩忘情誰是梅花誰是我 杖藜引鶴飽幽翫不與梨雲同夢看歸來袖手寒窓坐 **耘誦讀忘疲勞旁人笑我謀生拙不道胸中龜竒絕** 梅花莊詩為朱明仲賦 自述和沈誠學壯遊詩意

還我一身和暖氣 幾多明月與清風一 每托琴書寫萬與脫展樂從魚鳥遊却笑時人苦不達 青山之青如佛頭白雲化作寒泉流世間塵土飛不到 風雪行看歲寒至破褐從教露雙髀侍得春來生意回 隨宜無喜亦無憂眼中富貴等螻蟻一點不使靈臺留 眼中景物俱清幽若人自是好静者豈非五柳先生傳 為彦中題畫 難將向渠說年去年來春復秋

欽定四庫全書 肯相過斗酒當為山妻謀 但知聲利孜孜求無異貪程夜行客漏盡鳴鐘猶未休 君不見小虞塘西玉峰下一春已遂吾菟裘共論心事 只愁歸晚正蠶餓不道使君欲腸斷 低首不肯觀使君採之採之弗容緩爭奈筐深未能滿 桑柘雨晴如緑雲誰家女兒茜紅裙採桑纖纖露玉笋 採桑曲 偶题逸老菴

家舊物但知安分休休不作書空咄咄且喜盈樽有酒 居臨流水繁紆門對青山突兀四時風月雲烟總是吾 老夫平日荷知己放掉頻過竹梅所王氏琴轉動軸數 滄浪日聴歌漁父盡力耕桑事衣食飽閱詩書驗今古 捫虱 王君隱居臨漆浦物雅風淳真樂土杖履時來看故人 何羨滿床堆笏君不見朝來簷日暖融融笑看梅花坐 題王樸眷隱居圖

須更硬鐵柔如線長鍼持出砧砍上火星四出誰能向 男兒心腸硬如鐵婦人讒言如火烈置之盡冶鼓風摘 遊賞鶴歸華表知何年樸養昔以此畫求詩留余室久 中泉我今看畫題一篇含愁閣筆增悽然無縣得與同 天性對此遺澤號蒼天點隨淚落樹梢雨聲助嗚咽山 相牽時馳歲去已堪惜物在人亡猶可憐賢郎孝友出 日留忘却人間有官府憶昨別君滄浪邊東西魂夢勞 續鐵心行

欽定四庫全書

傷心一掬淚如珠灑向人間作秋雨 迴堅彼火灰寒自當減 保骨肉之深情我願丈夫心如金莫如鐵一迴鍛鍊 天上雙星有常處夫為牛郎婦為女東西相望自年年 隔天津一沿許耕田匪易織亦勞不得從容相慰語 鋤或钁隨手成乃知男兒有怨心易軟豈能不感常 椎重分一椎輕聲聞遠近錚錦惟後復燒燒復椎 寓意

次足の事を書

野古集

<u>±</u>

輪困雖不獲世用老氣自足雄山林長空六月灑蒼雪 金岁口月白雪 塵匣空恨無知音何如君家兩松樹飽含風露垂清陰 豫章根楠中梁棍未免匠石斤斧尋墿陽桐梓作琴瑟 朝見浮雲飛出山暮見浮雲飛入山浮雲自是無心物 郎既有心胡不還 題雙松圖 竹枝歌

清絕不受塵埃侵夜來月出東山岑影落萬丈寒潭深

大記四事を与 接清源活山隣古洞靈舊遊憐別久深荷眼終青 仲秋纔十日此夜已三更蕉葉魚梧葉風聲雜雨聲故 道人大醉發長啸直疑驚起雙龍吟 南野先翁業東是素隱事王泰三逕竹翠展一池萍水 園初斷夢逆旅未歸情無那庭指下蛩音響到明 五言律詩 寄陳存誠 客中秋夜 野古集 <u>+</u>

金万里人人 潮 碧解常封逕紅塵不到門處果謙德厚用批道心存制 樽花外席茶筍竹間厨世路輕肥客相逢莫問渠 作追前古窮探到本源每思燈火夜時得耳髙論 閒人無俗事幽境有清娛樂與禽魚共情隨草木俱琴 挾無旬雨登時水横流鯉從床下躍鷗向枕前浮措 知無地將何望有秋野翁如杜老日夜為民憂 民風 題西畴草堂

清風明月任情歌鬱林有石家聲舊前里無官野與多 吏人家住吳淞上不看羊裘只看蒙紅蓼白蘋隨處泊 昨夜秋風吹客夢問君鱸鱠味如何 羅納題就不勝悲思親賜斷雲飛處憶友心推月落時 夜來絡緯知秋早一片新聲出權離鱸繪夢迴無限與 七言律詩 新秋 吳松漁隱為陸大用賦

次定四車全書 學古集

日かして 無奈江山苦留客故園歸計尚遲運 寒氣方來我獨憂及早好修江上屋趁時宜補篋中裏 瘦骨年來似石堅詩句偶成還自和酒杯得趣與誰傳 辛苦寒窓理舊編不知黑髮變華顛壯心日就如灰冷 井上梧飄一葉秋天邊復見火西流炎威乍熄人皆喜 功名事業君体問都付青春美少年 漫興 秋與二首

次之四華全書 事業蹉跎將奈何德薄敢辭知己少患深轉覺一身多 雲水愁憐一望秋素質豈招今日累文章翻致此身響 自是禽中隱逸流雕籠寧似舊汀洲菰蒲夢憶雙飛曉 秋風忽起江東與謾託尊艫發浩歌 眼底年華次第過此身未老鬢先皤形容憔悴已如此 却憐兒輩陳狂甚攜酒方登賞月樓 他時倘獲山淵惠好學髙飛海上鷗 和唐陸龜蒙媽鶄詩 野古集

芒冀竹杖皂綸巾來覓烟霞洞裏人何處去尋騎鶴侣 山陰負此好驚賓風飄桂子香逾遠雨洗苔花色轉新 為寄短歌申後約不妨多釀雞頭春 我亦未除山水癖載書願結米家隣 鮮鱗出水白如銀兒童笑語能留客鷗鷺分飛不避人 白沙翠竹净無塵歲晚棲遅寂寞濱小艇繁門輕似葉 訪倪道士不遇因寄以詩 季仲怡江上 閒居

 次定四車全書 自欲杖黎時直造囊中恨乏買隣金 釣船陰鎖緣雲深溪山李白三杯酒風月嵇康一曲栗 知君素抱歲寒心晚結茅茨向竹林書幌色侵蒼靄重 閉門著得書盈篋未許旁人得借看 溪上新篁長的竿陶亮日從親舊樂麗公獨遺子孫安 草座麻衣首衛盤雖貧未足害清歡暗前嫩草抽書帶 竹林深處為九我賦 漫興 野古集

愁逐秋潮夜夜增定省久違思老母心胸日塞念良朋 自嘆微驅一羽輕去留無定似遊僧病隨春草年年長 自 問山屹立幾何年閱歷應從太古前嚴穴晦明遲旦暮 何時得泛歸吳棹重讀父書親夜燈 信命非金石固不勞重費戴符錢 雜濃淡任雲烟昨看猿鳥迎新客今見狐狸即舊阡 **述懷一首** 九我欲買山結室以贈賦詩却之

覺來無語空垂淚恨無穿雲曉寺鐘 道路行人盡流涕况予深荷叔牙知 先生何忽跨南箕濟人誰施囊中樂傳世空遺篋裏詩 清瘦還如舊日容生死固知難再會幽明何幸得重逢 昔年幸獲切文會今日那知死別離我輩正懷瞻北斗 月冷霜悽夜未終偶然相見夢魂中從容尚說平生話 張觀復先生哀輓二首 丙申九月十六夜寓琴川客館夢亡徐氏女兄

次之四軍全書 門古集

先生德業超流俗遠近咸推君子儒蜀郡未消司馬渇 歲寒老我思三益正恨離羣久索居 彭城已發范增直雖無好爵書華表却有芳名照海喝 竹几芸窓有舊書方寸净園秋月似一身間逸野鷗如 湖海歸來味道脾甘心寂寞即衡廬玉堂金馬無新夢 今日九泉歸粪處澗聲嗚咽助欷歔 寄俞處士 寄寫竹金端石

次是四車全書 八 歲晚歸耕學老農無拘無束甚從容詩朋酒侣時時會 草堂久矣無顏色願乞飄蕭數葉烟 牧監漁即處處逢風月每酣清畫夢塵埃不宛緑苔封 有時醉顧山妻笑我欲唱歌卿和儂 已信胸中有渭川萬樓起雷思老可一枝垂露想坡仙 湖海聞名已有年欲求識面苦無緣每於筆底觀秋意 雜 送羅孟維歸越中無東陳正養 興 野古集

金りピノ 甫 他日相思隔吳越便風須寄短長吟 論心未盡又分襟唱徹離歌酒漫斟杖履數陪尋住蹟 偶來借榻淮雲寺愛爾禪房事事清烟穗繞屏香漸熟 馬知人意不須鞭青青雕麥迷殘照靄靄江村鎖夕烟 朝來玉阜向芝川暮轉婁城百里懸僮識我心寧悼苦 關無那促歸心楓林晚映烟光薄江水秋涵鴈影深 到淮雪星月爛扣門驚破老僧禪 夜宿淮雲寺二首似用上人

欠足り事公島 亭亭獨立秀穹林得地何愁积棘侵老節定經十歲久 雪花浮鼎岩新烹蘿窓有月還生白簷鐸無風或自鳴 九日江皋秋向深農家刈獲苦多陰誰知此日祈晴意 他日遠尋蓮社約也須沽酒慰淵明 何當盡掃頑雲翳獨使陽鳥普照臨 即是前時得雨心野鳥正呼泥滑滑途人方嘆水涔涔 詠松 秋日苦雨 .野古集 九

金罗巴尼石明 直根應透九原深塵埃不染憐渠貌風雪難移信此心 推孫十歲解騎牛官祖已畢知無事鄰社相邀慶有秋 耕耘雖苦非為苦貧賤堪憂未足憂老婦一生甘食藿 趙公二子美無度雙桂名軒擬弟兄已信結根同得地 絕勝眼中金與紫施施難免乞堵羞 怪祖龍封爵行不平時作怒海音 農樂軒為陸安道賦 趙氏雙桂軒

青春都向客中過壯懷久息營為賴往事難忘感慨多 古婁樽酒憶相違瞬息那知往事非生死可憐容易别 珍重故人知我意停雲回首付悲歌 雙九遍走疾如核老色駸殿可奈何白髮盡從愁裡得 笑煞田家紫荆樹却從憔悴復重祭 更憐交葉總含清肯隨桃李争顏色要與松篁一性情 郭公輔輓詩 寄懷表兄

吹定四庫全書

野古集

二十

青山無價似容縣狂歌感舊聲逾激醉筆題詩字半科 最爱南園風致好不妨日造兩三回漫燒玉版供茶稅 情親酒古復餘住又煮蒙山石上茶黃菊腾開如有意 老眼一泓懷舊淚隨風散作雨霏霏 交遊轉覺老成稀商仙此日騎鯨去丁今何年化鶴歸 即草堂成一覺已無魂夢到京華 遊南園 和寓養登山韻

次定四車全書 人 長思遠道正綿綿南北睽離思條然明月照人千里共 平生不到半塘寺今夕方來借榻眠水緑山青塵外境 旋網銀梭為酒杯清與豈因春去减新詩不待雨來催 珍重覺師能繼武不教松檜減雲烟 風清月白雨餘天穹碑三復知前事廢業重興憶老禪 自憐南北東西客可得長叨杖屢陪 和張文翔在獨石見寄文期諱異太倉人 宿姑蘇半塘寺贈覺師 野古集 主

我亦為君知所戒唯憑一嘿免招愆 交情付與湄溪水相送歸舟過尚湖 返哺空歸月下鳥歲月無情雙對老乾坤有恨寸心孤 春雪初消柳尚疎行人揮涕問前途忘憂已謝霜餘草 愁雲迷目萬山連恨孙慈母衛門倚痛念難兄白日 身南北勞奔走不覺眼中三月殘水流花去送春色 歸自琴川春暮偶成 送張先生解順徳館西還 眠

歲 晚移家寂寞演茅巷一箇僅容身昔為風月舊交友 清風明月小虞濱鶴髮蕭蕭一老身自信胸中無一 滿野間花并野草無非都是自家春 得居林下作間人無錢無栗未好樂有酒有書誰道貧 風挾雨來生晚寒缺食小民方困苦憂時野老正辛酸 **今作溪山新主人白髮被肩渾忘老清霜到骨不知貧** 即成短述歌時事或備風謠得採觀 移家小虞浦上二首 事

次定四事全書

野古集

金发见为人们 舉世不知慈大小惟圖厚積湍流金 時鳴點瑟與回琴千之自得為師道中國能全愛子心 印溪源委遠而深溪上書堂隱竹林日究周情并孔思 年來學得卻康節拍拍減懷都是春 約對 鏡空悲白髮年既賀晚成揚子宅不圖先着祖 自婁城别醉顛嫦娥不記幾回圆放舟久負青竜嘉 陳氏印溪書堂時琴川陳公範為 寄張文翔

欠已日華心自 **蒹葭兩岸露為霜荒難遠唱如人哭潮水東歸似客忙** 浪打船頭聲似雷友病尚淹勞夢想詩成未穩費敲推 更念田家勤苦甚晨炊燈火已煌煌 生鞭肯來逸老養中話當問髯狂調誠借酒錢 夜來覓棹返東莊遙望東莊道路長書畫鴻船風與月 別故人邀酌杯趁潮遙自海濱迎風吹蘆葉響如雨 夜歸東莊 歸自海上 野古集 注

金岁巴尼白量 疫窩饑荒相繼作鄉民千萬死無辜浮屍暴骨處處有 相逢無復人形狀兩頰何曾斷淚痕 東新斗栗家家無只緣後政其前政時改局致得今吳 父母妻孥牛病瘟养粉磨成連濁土榆皮剥盡到深根 昨過任溪南北村百家能得幾家存春秋旦暮常愁餓 非昔吳寄語長民當自責其将天數厚相誣 候門稚子正相望極目馬鞍金碧堆 甲戌民風近體寄葉給事八首

次定四車全書 一八 釜可生魚飯有慶此言今日始知真極貧只為無恒業 薪米價高同白金四隅常有盗賊警百里寂無雞大音 百般老病盡隨身念渠漂泊無家者與我同為失所民 自憐鬚鬢白如銀不道今年遇此速數畝薄田俱付水 相逢父老聚頭哭淚滴洪波到底深 賦得田家苦楚吟一番歌詠一傷心妻孥命賤等黄土 西風昨夜催寒信凍殺街頭多少人 大患皆因為有身顧義恥隨偷作伴惜名樂與死為隣 野古集 Ŧ

老夫亦是溝中齊莫怪歌聲似哭聲 更有社公同寂寞年來不復享豚蹄 連村報晚寂無鷄頹垣廢井荒蕪宅垢面蓬頭瘦損妻 田畴不見見江湖烟火人家大半無薄熟豈能周晚歲 不復人從大道行官府之儲難畫策田家無計可求生 終夜憂吟聲不絕半因憂己半憂人 雨狂風日夕并海涛奔湧勢如城一朝稻付深淵沒 經水旱便流離風景蕭係思像悽到處與春空有鳥

次定四庫全書 人 幸接芳隣並早狐如魚同隊長東吳余豈遠作逋逃客 無人不頌字官清一年秋賦相將畢兩月春田次第明 實徵安得副官租多冠素解於民漢奏贖終能達帝都 惻隱願加時賑給莫勞安撫問民情 扁舟夜泊千墩浦耳内都無鷄大聲到處試從村老問 日喜聞停免政不憂鞭撻爛皮膚 陳安止孟東輓詩 千墩夜泊上鄭明府 野古集 • 幸

江上春風拂柳絲畫船撾鼓送君時壯行賴有詩盈軸 有序學最是落紅如情別隨風點點隨轉前沈誠學最是落紅如情別隨風點點隨轉前 溪上柳花飛撲船小姬拍案調新曲野老揮毫書大篇 澄思七十年前舊淚眼何曾為老枯 細雨弄晴三月天故人辭我歸芝川墻頭燕子語留客 公己髙登貴顯途故里菊松三逕在歸舟囊索一 春江别意圖送友人 送郁老友歸芝塘 一錢無

廿載流光快擲梭虞卿宅畔重經過白頭野老都成鬼 交情别意知多少惟有青山賸得知 紅粉村娃總作婆官賦孰如今日重人家不似舊時多 挤醉何解酒湍厄風月自今勞速夢溪山從此起題思 春雨初晴春日暄行人話别水西軒一壺易盡解吳酒 陽野草花橋路不覺徘徊發浩歌 過虞家宅 送王公亮之桂林

次足四車全書 一

野古集

T

萬里難留適越轅壮志追愁南海障寸心惟念北堂萱 客中情緒多傷感莫向瀟湘夜聴猿 歷盡十難與萬難舟職幾遭風浪險竹松多受雪霜寒 顧我容顏今老大憶君兄弟更辛酸别來十載又廿載 東峰境界無塵土華扁未寒前日盟茶話偶來留坐久 武陵橋上今宵月千里相思不忍看 寄淮安杜可久可平兄弟 題東峰眷為王庭美賦

欠己日年 ここう 然成快活多財未必見贏餘眼中役役蝸蠅輩過眼浮 豈謂來生老讀書學人問之口讀來生書耳 無愧自 短髮被肩霜雪如怡然自樂易安居不圖時樂貧群富 猿無怨聲主人焚香讀經罷多少青蓮南海情 功名頓覺等間輕春風秋月西二事名副吟賞夜鶴晓 總是虚 自况 送陳說養先生歸尚湖舊隱 野古集

金月四月全書 攜取舊書歸舊隱忽忽惜別意如何自憐野老愚蒙甚 遺趾空聞夢鶴樓漠漠草菜将薄暮離離禾黍已深秋 任水灣灣南北流人家多住竹林幽舊堤不見尋梅舫 每荷先生改益多客夢逐懸親塚樹鄉心長憶尚湖波 自今良會知何日翹首虞山付短歌 可憐當日歡娱地不道今成滿目愁 過任陽有感 前此承與中約同諸士友登玉峰界祭宋先賢衛

次之四車全書 一人 若遇便風如見憶鯉書無惜寄歸頻 康王宅畔舊比隣樽酒相違二十春俗態已翻千百樣 衛公名德久傳芳祠宇荒凉付夕陽地絕掃除多積蘇 故文今失幾多人一般有累丹心苦聞是無兒白髮新 流俗但能知諂娟強将夫婦塑城隍 逕通樵牧半無牆不緣著績薰穹壤安得懷賢真酒漿 寄淮安陸仲孚 文節公祠有感 野古集

常見秋風發棹歌久客何君知我厚暫違憐我望君多 到家暇日遙相憶尚為先生候鯉魚 未卜何時過草廬子弟匆匆方惜别烟波渺渺正愁子 江上一壺新熟酒擔頭數卷聖賢書也知無計留歸棹 **忽 莫詩輕分手争奈妻雲入夢何** 載西齊瞬息過不堪雙屬已成幡每驚春鴈添歸與 送陸德深歸河陽 别沈克懋

欽定四庫全書一人 苦心無訴賴相憐離樽恐醉江頭酒別鶴愁聞月下紋 歲晚有情如見憶雪中當泛子散船 多君積學富才賢文采風流屬少年拙句每成勞屬和 别俞景明 和屈季恒寫懷韻因以餞之 為身累往事真成與夢同後夜相思在何處海 詩酒盟寒嗟會少田盧業廢嘆囊空虚名徒爾 李恒詩云青雲望斷哭途窮白首從我碧海東

巢嘆一空花藝庭前徒自好琴樽客裡與誰同 窮那堪遙隔海西東致身雲路知無分寄迹窠 攜去詩酒何年復與同他日老予思誨益烟波 魯和云丈夫雖困豈終窮天使丁寬載易東義 重念遺鄉國遠理明心豁海天空琴書此日分 天明月照孤篷其兄孟東和云念汝親情豈有 愁來不覺垂雙淚長向傷原望轉運友人表 宗 渺渺望歸蓬

欽定四庫全書 題詩不盡相思意目送悠悠泛海蓬 事業茫茫總付空自謂此情唯吾有豈知今日與君同 不知擊節起長吟簪纓已果平生願桑梓今全夙昔心 相逢莫嘆二毛侵共喜羈禽返故林因與對床談往事 四十餘年吾道窮一身南北又西東家山香香徒勞夢 好約明春真率會看花酌酒更彈琴 吳塘夜泊懷屈季恒 和安止歸田 野古集

甫睡又成懷友夢遠隨征鴈過南沙 古婁城戌咽悲笳雨聲一夜不離枕客慮萬條都在家 孤舟夜泊吳塘渡兩岸秋風響荻花寧海驛潮開畫舫 **應落已看星在天別聖牛羊歸逐逐遠汀島鴈下翩翩** 獨步出城光景暮村居處處起炊烟團圓未見月離海 晚自崑城歸北郊别墅 和安止秋日見尋 點青燈在知是老妻猶未眠

飲定四車全書一人 就中唯我屬先秋壺鶴漫託者英會山水寧韓爛漫遊 書劔那知復此行膝下苦達頭白母囊中况乏孔方兄 聞道北莊饒勝縣官情得似野情否 忽 象歲 月去如流又見凉風起荻洲眼底故人年未墓 孤鸞別鶴愁無限謾託瑶琴訴月明 小論交至老成悲歡離合幾關情桑榆正擬同幽賞 岩旱 送袁兄宗魯入京 野古集

岩箇解伸探月手煩君為我挽銀河 枕簟能無六月寒時見啄苔來縞鶴每驚拂石舞青鶯 明月清風境界寬不裁凡卉只琅玕庭除騷有三湘意 狂風日烈迷塵道不奈為炎旱魃何病草渴心思化雨 故人詩畫俱清絕可得頻過一借看 涸蘇翹首望思波湫潭靈物空為禱田野農夫疆作歌 題金岩居為陳羽伯畫竹居圖次張觀復先生韻 閒居即事

歌定四庫全書 人 白鳥高低去一雙濁酒任斟那計數野歌隨意不論腔 風湍孤篷雨灑窓故人同載下婁江緑畴南北連千畝 更有芭蕉尤可爱最宜濡墨寫長篇 凉風欲動雨餘天庭除千葉舒紅槿盆益雙頭吐白蓮 紀行豈是無新作正愧曹鄫淺陋邦 幽居景物自清妍入眼經心事事便暑氣漸消秋近候 漫成 與表萬二兄泛舟至妻東 野古集

安樂依稀邻子窩或武或文燒藥火非商非徴採熊歌 自愛聞居雅趣多不容塵土宛松難幽深彷彿元公洞 直鉤無餌豈圖魚清風皓月終歸我紫綬金章總付渠 謾喜工師求大木不曽回顧道旁樗 侯門深鎖曳長祸相府尤慚進謁書破甕有虀聊當肉 年來尚覺疎狂在折簡應知未易呼 酷愛溪山似畫圖不飲幸然無酒债好吟長自負詩通 遠慕淵明自把鋤從渠兒輩笑迁夫生憐花鳥如兒女

官家不信民風苦方擬騰書賀有秋 い定四軍全書 養農夫恨乏舟爨下鯉魚聞撥刺枕邊鷗驚見沈浮 目滔滔水横流不分萬龍及低時往來客子嗟無路 來久息趣炎夢冷笑飄飄赴燭蛾 田家苦楚吟已未秋作 野古集 季

野古集卷中